

¹ BULLIDUM seu Bullis Ptolem. lib. 3. cap. 12. Vallidum Epistolæ Synodicae Epiri novæ ad Leonem, cui *Philocaris* hujus Episcopus subscripsit.

ΔΙΕΤΡΟΝ civitas Epiri novæ Hierocli. Hinc puto, Martyrius Helistrensis in Actis Concilii Constantinopolitani sub Flaviano, in Actis Concil. Chalcedon. pag. 133. sed in Conc. Ephesino Act. 1. *Ηλυσίου* scribitur. Unde certo credo hæc esse Ilistra Lycaoniæ Hieroclis. *LUCAS HOLSTENIUS.*

² *Paulus* Prinatenus Episcopus etiam subscripsit Epist. Synod. Epiri novæ ad Leonem: sed cujus civitatis fuerit, non constat. Ego mendum in subscriptionibus esse arbitror: cum nullam urbem, à qua nomen istud accepit, hac in regione repperim.

PROVINCIA CRETÆ.

GORTYNA Ptol. lib. 3. cap. 17. vulgò *Gortyn* teste Sophiano. ³ *Iconius* Gortynæ Antistes Ephesino Concilio subscripsit, & *Martyrius* Chalcedonensi.

GNOSSUS Ptolem. ibidem, vulgò *Ginosa*. Ex hujus civitatis Præfulibus *Zenobius* eidem Ephesino Concilio subscripsit, & *Gennadius* Chalcedonensi.

HIERAPETRA Ptolem. ibid. quæ in Conciliis ut plurimum Hierapina dicitur, vulgò *Gierapetra* Sophiano teste. *Euphronius* hujus sedis Episcopus eidem Chalcedonensi Concilio subscripsit.

⁴ LAPPÀ Ptol. ibid. quæ etiam hodie *Lappa* dicitur. *Demetrius* Lappenfis Episcopus eidem Concilio Chalcedonensi subscripsit, & *Prosdocius* Epistolæ Synodali Provinciæ Cretæ ad Leonem Imperatorem.

SUBRITA Ptolem. ibid. vulgò *Sandioia*. *Cyrilli* hujus sedis Episcopi subscriptio legitur in Concilio Chalcedonensi.

ELEUTHERA, Eleutheræ Ptol. ibid. & Eleuthernæ Plinio lib. 4. cap. 12. *Euphrates* hujus Episcopus eidem Concilio Chalcedonensi subscripsit.

CHERRONESUS Ptol. ibid. vulgò *Chironniso*. Ex ejus Episcopis *Anderius*, aliis *Andreas* Concilio Ephesino subscripsit, & *Euphrata* dictæ Epistolæ Synodicae.

CYDONIA, Cydonis Ptol. ibid. vulgò *La Canea* Sophiano. *Sebon* ejus sedis Episcopus subscripsit dictæ Synodali Epistolæ: unde in ejus syngrapha legendum est Cydoniæ, non Doniæ.

CYSAMUS Ptolem. ibid. vulgò *Chisamopoli* Sophiano, & aliis *Chisamo*. *Nicæis* hujus Antistes eidem Epistolæ subscripsit, qua legendum arbitror Cysamensis, non Catamensis.

SITEUM, Cytæum Ptolem. ibid. vulgò *Sitia* Bellonio. *Lucius* Sitei Episcopus subscripsit Concilio Chalcedonensi.

CANTANUM libro Conciliorum. *Paulus* Cantanensis Episcopus eidem Concilio Chalced. subscripsit.

PROVINCIA PRÆVALITANA.

⁵ ACHRIDA Justiniano Imperatori Novella 11. olim *Πράβιλης* seu Prævalis dicta, ut in codice Græco perantiquo Regiæ Bibliothecæ legitur. Primum Episcopalis fuit, unde *Andreas*, qui ad Hormisdam relationem, quæ inter ejus

C c

NOTÆ LUCÆ HOLSTENII.

¹ *Bullidum seu Bullis.* Ptolem. lib. 3. cap. 12. Bullis Hierocli. Bellis corruptè in Act. Concil. Hæc conjuncta fuit Apolloniæ, & Felicem Episcopum habuit in Conc. Ephes. Act. 1.

² *Paulus Prinatenus &c.* Prifna civitas Episcopalis sub Acridenfi Archiepiscopo.

³ *Iconius* Tychonius antiq. MSS. Latini &c. Joanni Cretensi Metropolitæ scribit Gregorius M. Philippus Gortynensis Episcopus legitur apud Eu-

sebium lib. 4. Hist. Eccles. cap. 23. ex Dionysio Corinthio.

⁴ *Lappa &c.* & ante hos Paulus Ephesino Concilio adfuit.

⁵ *Achrida* Scodra Metropolis fuit Prævalis, donec Justinianus patriam suam ad eam dignitatem evexit. Hierocles tamen DURRACIUM olim quoque Metropolim fuisse ostendit &c. Idem Scodritanus inter Metropolitæ Illyrici ponitur à Greg. M. lib. 7. Ind. 2. Ep. 69.